







数据加载失败，请稍后重试！



数据加载失败，请稍后重试！

無聲詩史卷七

朱貞字

朱貞字字宏信別號少崖長洲人景寧教諭
圭菴公孫閩浙巡撫秋崖公之子少博學能文
無好詩畫隨父宦遊四方遍閱名山大川見即
有紀，即有圖靡不窮其勝槩既而數奇遂
棄舉子業專工繪事師舅氏樛仙謝時臣
盡得其筆法所點染極蒼古有天然之趣尤

善摹古人名筆然不欲以技自顯平居常杜
門養高即父執多名公鉅卿曾不一干謁性方
介正直為鄉邑所重

黃彪

景星附

黃彪號震泉蘇州人嘉靖間分宜嚴相購
求張擇端清明上河圖捐千金之值而後得
之尋藉入天府為穆廟所愛飾以丹青彪得
擇端藁本稍加刪潤布景着色幾欲亂真

王弼州謂其蹟雖不類真本亦自工緻可念所
乏者腕指間力耳子景星號平泉精於仿古
所擬仇十洲人物士女姿態艷逸駁度驩驕前
矣吳中鬻古皆署以名人款求售奕世而下姓
字不傳不幾化為太山無字碑乎因表而出
之景星生而體軟不能步履端居研究六法
精工蓋靜而專非偶然也

李郡

李郡字士牧工人物曾畫渭橋圖及美女圖
為王弇州許可

吳文

吳文字延孝繪人物及花鳥

劉世儒

劉世儒號雪湖山陰人善畫梅千花萬葉標
格凌嶒曾寫鐵幹回春圖贊胡元瑞元瑞賦
詩以贈比之為花光長老及王元章良不虛也

楊一洲

楊一洲字伯海山水小幅可觀好遊名山足跡
幾遍五嶽人譏之云伯海手不如脚曾寄謝
茂秦山水圖茂秦荅之以詩多推轂之

王世昌

王世昌號歷山々東人工山水人物

張允孝

張允孝更名初字太初號貞白道人華亭人

東髮習舉子業補邑博士弟子員有志邁往
至毘陵從薛方山遊盡得其理學宗旨好涉
歷書史或遊戲書畫書法孫過庭畫筆宗
惠澤仲經潑墨自是可觀

姚衍舜

姚衍舜字光虞太學生工寫松

馬一卿

馬一卿號青丘秣陵人寫山水有空濛之致

能於淡中取態嘗自題其畫云結廬遠囂紛
攀巖行木杪長肅立層靈卑視群物小

任道遜

任道遜字克誠瑞安人詞翰皆佳善寫梅其
任宦已見孫夫人一條

郭詡

郭詡號清狂江西太和人山水人物俱臻其妙
凡繪古人清士皆有題跋縉紳無不重之

雷鯉

雷鯉字惟化號半窓建寧府學生善畫山水
人物書法得朱子體篆隸道勁恬退不仕詩
酒自娛四子肖之人云有米家風味

黃鵠

黃鵠南陽人依武昌吳明卿以居貌寢甚年
二十餘而曲盡老人傀俄婆娑態所畫有洛
中九老圖見王弇州續稿中

趙固

趙固常熟人以丹青供奉內殿萬曆八年神宗御文華殿召大學士張居正史臣張元汴等入見取宣廟所繪玄兔圖令賦詩進御書名於軸併得自用圖記因命趙固圖其副而勒之石

王盟

王盟字鴻漸別號西樓高郵人善詞章能繪

事其所製清江別咏騰鞋小詞一時膾炙人
口要不足存也曾畫菊扇自題一絕云萬草
凋零萬木僵藩籬內外藉輝光請看獵
霜瓦裏一點秋金百鍊鋼一種清剗之氣見
於辭旨洛等賦物寓意之妙他所題詠往
往可觀

杜大成

杜大成工草虫

沈誠

沈誠字文實別號味菜居士喜繪事興到
落筆自成一家

馬俊

馬俊字惟秀號訥軒山水仿唐宋人最古雅
獨以鬼神馳名

談志伊

談志伊字思仲號學山無錫人父愷任兩廣

翰
總督以廕補官寫花卉得徐黃之妙兼工文

張煥

張煥字彥章號新槐豫章人工書能兼真
草隸篆四體尤善傳神曾為先少保鳳阿
公寫照神情宛肖

李葵

李葵字誠伯見人繪畫輒能摹仿雖百

物像貌無不由畫

周天球

周天球字公瑕號幼海步從文太史游因以書名
吳中其書雖骨有餘而未臻化境楷書工緻殊
勝行草所謂有書學而無書才者也畫蘭
石墨花頗佳寫蘭尤得鄭思肖標格

蔡一槐

蔡一槐字景明晉江人有逸致愛法書名畫善

小楷行草作墨蘭竹石具有意態曾金事

楚臬尋遷東粵衆議解任後遨遊江湖間十

餘年救履布衣莫識誰何也年八十餘卒

吾鄉王邁

人先生以名進士歷任方伯優游林下火畧與蔡公似亦寫蘭嘗曰人皆稱我今古文及詩字不知我於寫蘭彈琴獨得妙理也蘭不多作喚家僅藏一幅果非凡筆子中書

詹景鳳

詹景鳳號東園徽州人草書奇偉長於墨竹

顧大典

顧大典善山水

文君素

文君素字質夫姑蘇人錢卅寶文休承入室弟子王弇州謂其盤礴處有出藍之美所恨不能舍蹊逕而上之蓋質夫亦侯夷門朱子朗之流亞也

靳觀明

靳觀明號浮玉京口人文僖公貴之雲仍也頗

擅臨池之譽與同郡陳永年方駕間以墨
瀋寫山水竹石洵超妙然落鬼不事生
業恒以青樓為家沉酣久之竟卒於平康
里焉

許昂

許昂字世顯工梅花

史大方

史大方金陵人謝子象題其畫云朱檣畫

舸繫神都翠，條黃茅覆酒壚。好似石頭城外景，隔溪歌舞莫愁湖。

汪慶

汪慶號雲山，歙人，善畫仙釋。

林旭

林旭字景初，少聰穎，善畫山水，品格甚高，尤精於寫真，年未三十而卒。

鄒鵬

鄒鵬字遠之號筠居工山水

王建極

王建極字用五金陵文學也工山水

朱寅仲

朱寅仲雲南人專學董北苑得山水真趣
自號適意道人

金門

金門字獻伯曾見其楓林草堂圖丹楓翠

巖綽有餘妍

陳勳

陳勳字元凱閩縣人魁萬曆庚子辛丑鄉會
榜歷國學博士戶部郎謝病歸終日扃門却
掃嘗一至烏石山聞客聲即走談佳山水心
輒動畏客輒又不往其友董見龍嘲曰世皆
如子直須以環堵為天地即日月山川皆為虛
設矣大笑不為意指庭間花石瓦水盆曰此

非吾之五嶽江湖耶其為趣如此詩入唐人室
書畫皆精妙見龍評曰讀其所作如入清溪
棹曉月兩山倒影蕩漾於船楫之下而空明
激射如遠如近其清言瑩骨雅步繩趨不失
尺寸酌於今古之間動中倫慮可謂品之極清
貴者矣

鄒益

鄒益號漫士金陵人寫山水林樾鬱翠照四鋒

顏秀扶名手也

沈昭

沈昭字秋萼浙江人畫山水

周時臣

周時臣號丹泉蘇州人賦性巧慧精於仿
古凡三代彝鼎及唐宋諸室經其摹範幾
欲亂真古木壽藤裁為几杖磨籠工緻瑩
潔如玉見者知其出自良工也即疏泉種石

俱能匠心點綴出人意表兼長繪事蒼秀
之姿追踪往哲

杜火綬

杜火綬字子經吳郡人工楷書傍及蘭竹頗
有連趣

周教

周教武進人善畫鍾馗深得趙孟頫之態亦
南路派中錚錚者左手握管衣紋樹石皆從

左轉見者自能辨之頭顱奇大人稱周大頭云

何濂

何濂字元潔休寧人畫花卉落筆娟秀傳
色淹潤多作屏幃濂雖出雲鵬之門另以
花卉得名者也

朱慶槩

朱慶槩字仲賢號似碧宗室齊庶人也山
水及枯木竹石清雅可觀

胡懋禮

胡懋禮山水脫去塵垢所畫者不多偶得見之

金則柔

金則柔字錫卿晉陵庠生帖括文字之餘兼長繪事每一舒經烟雲變隸出入黃子久之間

項承恩

項承恩字寵舟新安人入籍杭州又困諸生
遂棄去隱居西湖岳墳側携一奇醜女奴供
爨開小肆雜置書籍畫卷并盆花竹石索
價頗貴已能畫仿沈石田筆蒼莽淋漓魚
得子久家法

朱文豹

朱文豹松江人以韜鈴為閩帥畫蘭花淩
得文太史風韻

殷自成

殷自成字元素無錫人花鳥工緻可步談志
伊後塵

范舟成

范舟成字允舟號元白錢塘人隱居西湖之
濱以左腕運丹青其山水多宗黃子久而墨
氣似較渾潤若點染花鳥出自已意生動
可愛真神超物外者矣

謝道齡

謝道齡號彬臺蘇州人山水仿趙千里及松
雪筆花絢爛亦一時之考

楊名時

楊名時字不棄歙人博雅多能精於鑒別
法書名畫詞翰丹青靡不擅美其溪上偶
成詩有沙頭小鴨自呼名之句為胡元瑞所
稱又善臨摹古帖吳用卿所鑄餘清齋帖

皆其鈎摹入石者

吳士冠

吳士冠字相如蘇州人山水墨花頗有別趣
善書曾為袁中郎書瓶花齋集刻行之

林有麟

林有麟字仁甫號秉齋松江華亭人承父
廕仕至知府寫山水妍雅茂密可接軫宇人

陳元素

陳元素字古白長洲人以文學知名於時書法清勁類歐率更寫墨蘭有楚畹清芬之致

關九思

關九思字虛白烏程人工山水余遊燕邸見虛白畫頗多想久在燕中者也

袁孔璋

袁孔璋字舛賢吳縣人作畫精於仿古所摹宋元名家洎今文唐之蹟可以亂真吳

人每倩其賢傳寫曆本飾以款即錦襖玉
軸為米顛狡獪倘鑒別未滌鮮不信以為真
也

王尚廉

王尚廉字清宇金壇貢士有巧思所製洞簫
印章俱精絕寫菊得孤芳之神

姚允在

姚允在浙江籍萬曆間人山水人物頗能仿

古精工秀麗在能妙開

蔣紹燿

賓圻附

蔣紹燿號鷺洲晉陵人風華蘊藉灑然軼
倫舉孝廉東鐸如臯不問家人生計祇借
江雲浦靄廣丘壑於毫端歷任漢陽裒然
稱賢太守嘉隆間孫雪居綰符漢陽蜚英
藝苑鷺洲繼之足為湘楚生色子賓圻登
丁卯賢書落經烟雲箕裘媿美天年不永

衆咸惜之

董孝初

董孝初字左常松江人寫山水具元人法脉

曾羲

曾羲號羅浮長洲人工人物山水

徐文若

徐文若字昭質工山水

袁楷

袁楷字雪隱無錫人繪事為張復入室弟子

唐志契

唐志契字敷五廣陵人邑諸生工山水所著繪
事微言頗得六法之蘊

高陽

高陽字秋甫四明人畫花卉筆意縱橫天真
燦爛寫生名手

王心一

王心一字玄珠生於寒素曾執事丹青為陳
煥入室弟子幼有大志不願俛首藝事夜即
篝燈讀書登萬曆癸丑進士仕至應天府尹

楊繼鵬

楊繼鵬字彥沖松江人畫學師資於董思翁
頗能得其心印思翁晚年酬應之筆出於
彥沖者居多

方洛如

方洛如失其名松江人體質清癯丰骨傲岸
精岐黃之術寫山水林壑葱秀氣韻藹然
邵堅邵高

邵堅字不磷邵高字彌高吳縣人俱長於山
水

曹堂

曹堂字仲升寫山水菁華澹潤丹墨精
工

劉度

劉度字毋獻浙江人山水師藍瑛人譽之謂
真能過藍者

潘璿

潘璿字在衡無錫人畫花卉迎風承露綽
約鮮華姿態百出真寫生佳手

安廣譽

安廣譽字無咎無錫人以茂才為太學生

寫山水結法出自黃子久淹霽淋漓超然蹊
徑之外

馮起震

馮起震字青方益都人善畫墨竹

傅朝佑

傅朝佑崇禎朝甲科仕為給事中以建言
被逮能畫竹石

張奇

張奇字正甫廣陵人善畫山水人物花卉兼
工篆籀印章

黃石符

黃石符字杞人福建人畫美人豐順廣袖霧
鬢負雲鬢頗得周昉遺格

方以智

方以智字密之桐城人康熙進士授翰林詩
文甲於東南為士林冠冕山水得元人派淡

烟點染筆入三昧

陳洪綬

陳洪綬字章侯諸暨人工人物尤精於士女

楊文驄

楊文驄字龍友貴州人流寓金陵由鄉薦
仕為兵部郎寫山水得元人遺意董宗伯
曾品題之

鄭元勳

鄭元勳字超宗揚州人登崇禎癸未甲榜
畫山水仿吳仲圭

馬罔

馬罔字瑞卿丹陽人以寫照專門無能人物
山水

葛徵奇

葛徵奇字無奇海寧人崇禎戊辰進士由
臺臣巡覈長蘆鹺政頗有風裁善寫山

水嘗以自負見前李因一條

馬伯繩

馬伯繩字正則溧陽諸生長於詩文善畫山水

鄒式金

鄒式金字木石無錫人崇禎間由制科授南京戶部郎出守泉州工山水

陳紹英

陳紹英字生甫浙江人由父廕仕為南京刑部
郎擢都守山水宗吳仲圭

朱先

朱先字允先武進人善畫草蟲

于蒨

于蒨字季鑾金壇庠生寫山水

宋珏

宋珏字比玉福建人流寓金陵寫山水及喬

柯文石行筆雄秀兼善臨池

蔣清

蔣清字冷生以文學知名於時詩歌雋永書體適逸可謂登少陵之堂入眉山之室者矣寫蘭竹文石秀骨楚々藝林片玉也

盧丹

盧丹字瑞生宜興人善畫士女

鄭完

鄭完字完德居金陵父千里傳以畫學其
山水人物能少武号冶良工之子也

盛丹

盛丹字伯含金陵人山水花卉蘭竹能集諸
家之長

姜彦初

彦初余兒也三歲授以唐詩即能成誦數十
首稍長示以畫即能辨其優劣年十七補博

士弟子員泚筆寫山水小景頗具倪黃丘壑
蓋不學而能也崇禎壬午歲余仕為南工部
郎彥初待余邸舍偶圖小景友人曾波臣
見之歎其秀爽旋謂余曰君家義方之訓
當課以舉業切宜誡其弄筆恐分心也
執友金石之言見當服之無斃矣

西域畫

利瑪竇攜來西域天主像乃女人抱一嬰兒

眉目衣紋如明鏡涵影踴々欲動其端嚴
娟秀中國畫工無由措手

姚月華

已下
名媛

姚月華善筆札兼及丹青花卉翎毛世所
鮮及嘗為楊生畫芙蓉約畧濃淡生態
逼真然聊復自娛人不獲多見也

徐翩々

徐翩々金陵妓萬曆初年以色藝擅聲

能寫墨蘭

梁夷素

梁夷素武林女子工詩畫陳眉公比之為天女
花雲繇錦非人間所易得

范珠

范珠字照乘金陵妓畫山水能對客揮
毫周暉所著續金陵瑣事載之

顧眉

顧眉字眉生金陵妓善撇蘭

楊宛

楊宛字宛若金陵妓後歸茅元儀寫蘭
石清妍饒韻

李陀娜

李陀娜閩人郭舜璞之妾能畫水仙得趙

子固法

范珏

范珣字雙玉金陵妓寫山水仿梅花道人

顧姬

顧姬上海顧會海之妾刺繡極工所繡人物山水花卉火有生韻字亦有法得其手製者無不珍麗之

無聲詩史卷七終

姜二酉先生取著無考詩史余得之
郡城項氏項氏於風雅之道世為隆賞
家所宗是編出其家固知足珍也而寫
刻不佳又及譌字脫落字心齋金先生
索視為之校正歸余弟夫王無在而
愛是編為手鈔之余不欲其有私也
乞以付諸梓是編乃尤足珍矣是編於
曠國盜家似不為不傳而王君儂孝給諫

繼泉先生芳嘉瑞至成乙丑進士為
文符詔莫逆文畫亦相伯仲同時諸
冊銘先生勳盜與孝同派同工身履
孝之為人莫能辨己家皆不入是編
則是限於聞見諸所遺漏即此可也
嗣當搜輯以補重缺更博綜

本朝名家為今集焉所望於聞見之廣
者而余成之康熙五十九年歲在康

字晉夏之號嘉真李光暎字中趺



[General Information]

书名=无声诗史 卷七

作者=(清)姜绍书撰

页数=53

SS号=13003720

DX号=

出版日期=宣统2

出版社=上海端记书局